

Ehren/ vnter E. S. G. Titul vnd Fürstl. Wapen/ in vnser
 Teutschen Muttersprache/ in den Truck außgehen zu las-
 sen / auff daß solch mein Astrolabium nicht allein den
 Gelehrten / sondern auch den Leuten/ so kein Latein verste-
 hen / bekant vnd nütze werden/ vnd ich mit solchem mei-
 nem von Gott empfangenen geringen Centner/ viel ge-
 wiñen möchte. Bin demnach der vnterthenigē Hoffnung
 vñ Zuversicht/ E. S. G. werden jr diß mein Werck vñ ein-
 feltiges Teutsches Schreiben in Gn. gefallen lassen/ weñ
 das geschicht/ wie ich nicht zweiffele/ alsdann achte ich mei-
 ner Contradicenten, als Johannis Köpleri/ vnd ekli-
 cher anderer vngebürlichen diffamirens vñ scheltens we-
 niger als nichts/ dan ob ich schon damit bey ihnen (dieweil
 sie allerdings Meisterfix seyn wollen) nicht viel Dancks
 verdienen werde/ so weiß ich doch vnd bin gewisser Hoff-
 nung/ daß diß mein Werck vnd Astrolabium, (weil das-
 selbige von Ptolomæo, Peurbachio vnd andern Mei-
 stern dieser Kunst/ in hohen Würden gehalten/ vnd in A-
 stronomia & Geometria compendiose gebraucht
 worden) nicht ohne Frucht wirdt abgehen/ sondern vie-
 len Gelehrten guten ehrlichen Leuten vnd andern Lieb-
 habern der Astronomischen vnd Geometrischen Kunst/
 welche die Wahrheit lieben/ wohl gefallen/ angenehm/ lieb
 vnd wehrt seyn wirdt/ inmassen den das Werck den Mei-
 ster selbst loben wirdt. Demnach gnediger Fürst vñ Herz/
 dedicire vnd offerire E. S. G. nun ich diß mein Werck
 vnd Astrolabium, mit ganz vntertheniger Bitte/ E. S.
 G. wollen dasselbige in Gnaden von mir auff vnd anneh-
 men/mei-

men/mei-